



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Sessio prima.

urn:nbn:de:hbz:466:1-10502

plures assurrexissent, Reuer. D. Archidiaconus ad Illustriss. Metropolitanum eos introduxit his verbis: Illustrissime Metropolitanane, ad sunt testes synodales. & singuli cum reuerentia accedentes, suam relatione scripto exaratam exhibuerunt.

Postmodum vocati sunt canonici his verbis. Accedant Canonici, & si qui volunt audiri, & cum nulli adessent Canonici, post modicum temporis interualum vocati sunt parochi hoc modo. Accedant parochi si qui volunt audiri. & cum nulli adessent parochi, vocati sunt clerici his verbis: Accedant clerici si qui volunt audiri. Et cum nulli adessent clerici pro audientia, vt finis vocationi tandem imponeretur, vt sup. vocati sunt & laici hac verborum conceptione. Accedant laici, & alii quicumque volunt audiri. Et cum nullus comparuisset, de mandato Illustrissimi D. Metropolitanani Cancell. alta voce hæc verba protulit. Reuerendi Domini, exeant omnes, præter procuratores Reuerendissimorum DD. Episcoporum absentium, & capitulorum. Et hæc eadem verba per Notarium vulgariter fuerunt prolata. & ita omnes exierunt, & fores clausæ sunt.

His ita peractis Reuerendi Promotores coram Illustriss. Metropolitanano assurgentes, protestati sunt neminem ex procuratoribus admittendum esse, nisi prius constet de mandato sufficienti: & rogeatur vota patrum, & dictum fuit ex communi voto recognoscenda esse à Iudicibus deputatis.

Postea instantiæ & decreta aliquot in prima sessione de more fuerunt lecta, vt infra dicetur.

Lectis supradictis omnibus, rogantur vota Reuerendissimorum Patrum his conceptis verbis super duobus Decretis, Reuerendissimi Patres, Decreta de Iudicibus querelarum, & de diebus Congregationum, placent ne vobis? & responderunt omnes vna voce, Placent. & Cancellarius retulit Illustrissimo Metropolitanano his verbis: Placuit Reuerendissimis Patribus: & de ipsius Illustrissimi Domini mandato dixit: Decreta modo lecta placuerunt Patribus, de eorum igitur assensu ita illa statuimus vt lecta sunt.

Quibus absolutis cum iam nox immineret, assurrexerunt omnes, & Illustrissimus Metropolitanus capite detecto statam precem, quæ in fine Congregationum recitari solet, vt sup. dictum est in initio, perorauit.

sessio prima.

IN nomine Domini, Anno à Natiuitate eiusdem millesimo quingentesimo octuagesimo secundo, Indictione decima, Pontificatus Sanctissimi Domini nostri Gregorii Decimi tertii anno decimo, feria quinta, quæ fuit quarto idus Maii, qui dies aperiendæ huic prouinciali synodo sextæ indictus fuerat, summo mane, hora scilicet decima iam indicta, Illustrissimus & Reuerendissimus in Christo Pater & Dominus D. Carolus &c. pluuiali & mitra pretiosiori ac baculo indutus, comitantibus infra scriptis Reuerendissimis Patribus DD. Episcopis comprouincialibus, scilicet Derthonensi, Cremonensi, Bergomensis, Brixienis, Astensis, Alexandrinensis, Albenis, & Intimilien. pluuialibus & mitris simplicibus indutis, ac Reueren. Capitulo Metropolitanæ, casulis & dalmaticis rubris pretiosioribus pariter indutis, reliquoq; clero Metropolitanæ, ac clericis Seminariorum præeuntibus, binis candelabris accensis, ac per eum D. Archiepiscopum incenso in binis thuribulis ad concremandum imposito, hoc ordine ex adibus Archiepiscopalibus discedens, ad Basilicam Metropolitanam solenniter processit, subsequenter prælatis ac protonotariis quamplurimis rochetto indutis, nobiliumque ac ciuium multitudine progrediente. In ingressu Metropolitanæ, in qua vniuersus clerus sæcularis & regularis pro solenni processione ad Sanctum Ambrosium conuocatus & congregatus erat, de more campanis omnibus & organo pulsatum est: & Illustrissimus Dominus ad altare progrediens, peracta prece ad faldistorium accessit ad sedem Pontificalem sub umbella, & fecit initium solenni officio horæ tertie: & dum alternis choris cantores psalmos de more canunt, ipse sandalia & dalmaticas induit cum pluuiali & cle-

& clerus suo ordine ad Sanctum Ambrosium paulatim progreditur. sequuntur tandem Reuerend. Canonici ordinarii, & vniuersum Capitulum Metropolitanæ, Reuerendissimi Episcopi, & ipse Illustrissimus Metropolitanus, prælati plurimi; plurimusque populus. In itinere fuit ea quæ inferius adnotabitur ratio psallendi & canendi, quæ etiam fuit impressa, & omnibus Præpositis, Præfectis, & prælatis, ac aliis de more distributa & consignata.

Processio ad Sanctum Ambrosium pro Concilio Prouinciali sexto.

V. Dominus vobiscum **R.** Et cum spiritu tuo. Antiphonæ processionales. Spiritu principali confirma nos Domine. Alleluia, Alleluia. Spiritus sanctus docebit vos, Alleluia. Quæ oporteat dicere Alleluia. Redde nobis lætitiã salutaris tui, & spiritu principali confirma nos Deus, Alleluia. Emitte spiritum tuum & creabuntur, & renouabis faciem terræ. Alleluia, Alleluia. Spiritus Domini repleuit orbem terrarum, Alleluia, & hoc quod continet omnia, scientiam habet vocis, Alleluia, Alleluia, Alleluia. Hymnus. Veni creator spiritus. Hymnus, de sancto Ambrosio. Miraculum laudabile, Hymnus de sanctis Martyribus Prothasio & Geruasio, Grates tibi Iesu. Psalm. 103. Benedic anima mea domino, domine Deus meus. Psalm. 47. Magnus dominus & laudabilis. Psalm. 100. Misericordiam & iudicium. Oratio de Sancto Ambrosio. Sancti Ambrosii nos quæsumus. Omnes & singuli in processione Breuiarium aut Psalteriũ habeant ad canendum & psallendum, vt supra. Præpositi Ecclesiarum Collegiatarum hanc tabellã ipsi habeant, ex cuius præscripto ecclesiæ suæ canonicis, clero vt in tempore prænuncient, quem psallunt cantent.

In basilica sancti Ambrosii, Illustrissimus Dominus Metropolitanus statas orationes de Spiritu sancto, pro peccatis, ac de Sancto Ambrosio, & sanctis Martyribus Prothasio & Geruasio patronis, ante Altare maius consistendo perorauit: & reuersus ad Metropolita-

nam, ipse ad sedem Pontificalem accedit: & deposito pluuiali, casulam & pallium induit, & inde progrediens ad Altare, Missam de sancto Spiritu more Ambrosiano celebrauit. In qua primò benedictionem solennem post Pater noster ad præscriptum Pontificalis restituit. Dum Missa celebratur, Reuerendis. Patres Episcopi comprouinciales in choro in dextera parte in loco parum distante à sede pontificali pannis violaceis, & puluinibus decenter ornato confederunt. Missa verò absoluta, Illustrissimus Metropolitanus, & Reuerendissimi Episcopi in sessionem descendunt, quæ hoc ordine disposita erat. Illustrissimus Metropolitanus sella pretiosa laminibus argenteis tecta ante altare tribus gradibus eleuata, Reuerendissimi Episcopi inferius vtrinque subselliis vno gradu eleuatis panno rubeo tectis in forma emiclorum dispositis, & post eos Reuer. Capitulum Metropolitanæ, ex opposito altaris & Metropolitanus, pluteus promotorum & Cancellarii panno serico tectus.

Primò omnes genuflectentes paulùm orant: tum assurgens Illustrissimus Metropolitanus, preces recitat, cæteraque omnia ad præscriptum Pontificalis aguntur: mox Euangelium per Reuer. D. Archidiaconum canitur, absolutoque Euangelio, & thurificatione consueta, Illustriss. Dominus Metropolitanus Comitante Reuer. Capitulo Metropolitanæ suggestũ ascendit, & orationem habuit, vt supra in Concil. prouinc. 6. ad finem.

Illustrissimo D. Metropolitanò ad locum sessionalẽ reuerso, ad præscriptum Pontificalis Hymnus, Veni creator &c. ipso Illustrissimo præcinente, ac aliæ statæ preces cantatæ sunt.

Omnibus in sessione & in loco benedictionis ordine vt sup. confidentibus, comparuerunt Reueren. Promotores, & pro inchoando Concilio his conceptis verbis institerunt.

Comparitio Promotorum. Illustriss. & Reuerendis. in Christo pater, & Do. Metropolitane, patresque R. Deo Optimo Maximo, à quo bona cuncta procedunt, gratias agimus, quòd optatus diem pridem in Synodo prouinc. quinta indicus,